

11 Oct

1622

(293)

EPISTRE

D'OVIDE, MISE

NOUVELLEMENT EN

FRANÇOIS POUR SERVIR

de Factum à vne cause


pendante à la Cour de

Parlement.

M. DC. XXII.

16 pp.
all
17

A FLORIDE, SVR L'IN-
fidclité de Polidor.

 Iles charmes de ton visage
N'ont peu retenir cét Amant
Qui faiet gloire d'estre volage
Comme toy d'aymer constamment,
Que le desespoir ne te guide,
Console toy belle FLORIDE
Au mespris qu'il faiet de ta foy,
Puis que tes charmes de ces plaintes
R'allumant ses flâmes esteintes
Le vont remettre soubz ta loy.



EPISTRE D'OVIDE, MISE
nouvellement en François pour servir de
Factum à une cause pendante à la Cour
de Parlement.



ERFIDE. Si tes
 yeux méconoif-
 sent les caracteres
 de mes lettres, com-
 me ton ame ingrate
 a effacé ceux que

mon amour t'auoit graué dedans le
 cœur : refuse les à la lecture d'une
 fueille qui ne se noircit pas si tost
 d'encre qu'elle te noircit d'une atro-
 ce iniure. Mais s'il est vray que tu re-
 cognois les trais de la main dans la-
 quelle tu as mis la tienne pour me iu-
 rer la foy que tu as si laschement vio-

lée, endure iustement que ie te nomme perfide, ingrat, desloyal & parjure. A la verité ie te confesse que i'ay regretté le temps auquel il m'estoit permis de t'entretenir avec les plus douces paroles dont l'amour pouuoit emmieller ma langue. Car certes tu m'aymois, & ton affection meritoit quelque recompense. Je t'auouë aussi que les souuenirs de mes felicitez estoient bien doux à ma pensée. Mais maintenant que tu m'as si vilainement outragée & que tu t'efforces si obstinément de me perdre, ie ne veux plus qu'ils repassent dans ma memoire, que pour me faire conceuoir de l'aigreur & de l'amertume cōtre ton infidelité. Je ne veux plus y chercher des soulagemēs, mais plustost des aliments à ma douleur afin quelle s'augmente s'il est possible & qu'elle me consume.

C'estoit au temps, il t'en souuient, que la peste desertoit Paris & peu-

ploït les villages d'alentour, que tu
 vins ou ie m'estois retiree avec mes
 parens pour éuiter la rage de ceste
 maladie. Hé qu'il eust bien mieux va-
 lu pour mon contentement que ie
 m'y fusse exposée. Car vne autre pe-
 ste plus furieuse que celle-là s'empa-
 ra de ton ame, & se coula si subtile-
 ment dans tes moüelles, qu'aussi tost
 que tu m'euz hallenée, il me fut im-
 possible d'en éuiter la contagion. Ce
 fut amour, qui jaloux du repos de ma
 vie, le voulut troubler par les plus ru-
 des attaques dont il ait iamais assailly
 le cœur d'une pauvre fille. O Nym-
 phes qui frequentez l'ombrage des
 bois, la fraischeur des fontaines &
 l'émail des prairies de Lai, vistes-
 vous iamais vne de vos compagnes
 qui jouït plus franchement de sa dou-
 ce liberté; alors que sans affection
 i'alloy ou mon pied me guidoit par-
 my vos agreables promenades? Ce
 iour fut mal'heureux que tu me veis

avec vne si chere troupe, & que tes
 yeux me iugerent seule digne de ton
 choix pour me prendre la main dans
 la dance. Lors telle auoit de la jalou-
 sie de mon bon-heur qui maintenāt
 jette des larmes de compassion pour
 ma calamité: il me souuient que ie
 chantois & que ton cœur sautoit de
 ioye, rauy des accens de ma voix.
 Dieux! quel funeste changement!
 ces chants de victoire avec lesquels
 ie triōphois de ta liberté, sont main-
 tenant changez en complaints fu-
 nebres qui m'accompagnēt iusqu'au
 tombeau. Car que me reste-il autre
 chose qu'un cercueil pour enseuelir
 mon defastre avec la memoire de ta
 deloyauté. Sus deliurons Polidor de
 sa plus cruelle ennemie, & ses parens
 de la cruauté de cette Medée à qui
 son art succede si malheureusement.
 Ne dédaignez point mes compa-
 gnes, d'assister aux funerailles de vo-
 stre chere sœur. La fortune luy a fait

souffrir naufrage de son bon-heur; mais non pas de son honneur; elle peut estre dite mal'heureuse, mais non pas criminelle. Semez hardimēt autour de sa tombe les Lis & les Roses. Les vnes signifieront par leur blancheur, la chasteté, la modestie & la cādeur de son ame: & les autres par leur couleur de sang, la cruauté dont l'amour & la fortune ont ensanglanté la catastrophe de sa vie.

Mais pourquoy mourray-je puisque je peux viure avec honneur: & qu'il importe que ie viue, afin que par la suite de mes vertueuses actiōs, ie ferme la gueule de ce monstre qui se desgorge en medisances contre moy? Que ceux-là meurent qui ont rompu leur foy. Que ceux-là meurēt qui veulent prophaner les plus saints mysteres pour trôper vne innocente fille. Que ceux-là meurent qui sont desia morts au monde d'vne mort civile, & qui suruiuent à leur repura-

tion. Vrayment il te fait beau veoir
 contrefaire le fol & feindre d'estre
 despourueu de sens afin de deffendre
 avec apparence de raison vne mau-
 uaise cause. L'artifice de ton infideli-
 té est merueilleusement subtil, on
 tasche ordinairement de combattre
 son aduersaire avec l'auantage de la
 raison: mais toy par vn nouveau stra-
 tagème tu t'efforces de surmonter
 mon bon droit par le manquement
 de la raison mesme. On dit qu'Vlysse
 encore brulât des premieres ardeurs
 qu'il conceuoit dans le sein de sa cha-
 ste Penelope contrefit le fol de peur
 d'estre sollicité de quitter les com-
 bats amoureux pour s'acheminer à
 la guerre de Troye. Il preferoit les
 myrthes de Venus aux Lauriers de
 Mars, & le contentement de sa mai-
 stresse, à sa renommée & au nom
 qu'il deuoit acquerir en vne si braue
 & genereuse expedition! Helas que
 mon sort est semblablement dissem-
 blable

blable au tien Penelope, puis que vn
 déloyal par vne ruse plus que qu'ita-
 quoise, feint d'estre surpris de folie
 pour surprendre mon innocence &
 ne craint point la perte de sa reputa-
 tion pourueu qu'il perde la mienne.
 Quelle faute ma renduë si criminel-
 lement coupable enuers toy qui aye
 peu changer vne affection si saincte
 en vne haine si capitale, qui te face
 ruiner volontiers de biens & d'hon-
 neur pourueu que ie sois enseuelie
 dedans tes crimes & que ie prenne
 coup en ta cheute? Quel'on examine
 curieusement ma vie! & que les yeux
 mesmes de la calomnie trauaillent à
 ceste recherche, si est-ce qu'elle n'y
 trouuera aucune tache, si ce n'est pa-
 raenture qu'on estime que c'est vn
 crime d'aymer celuy que les liens du
 mariage & de l'affection m'ont con-
 joint d'une mesme estainte. Car ie
 veux bien que l'on sçache que ie n'ay
 pas esté si imprudente de me laisser

aller aux promesses d'un homme passionné pour faire servir de moyen & d'approches à mon contentement ce qui deuoit servir de but & de terme au tien. L'esclat de ta fortune n'a peu estonner ma constance ny esbloüir ma vertu : ie te l'ay voulu conseruer toute pure & toute entiere : & cela m'en rendoit d'autant plus digne & plus capable au iugement de tout le monde. Non non, ce n'a point esté à la desrobée ny par surprise que tu as iouï de moy, nos embrassemens n'ont point esté des larcins d'une amour impudique, mais des presens d'une chaste Venus. Le flambeau de Cupidon n'a peu du tout embrazer mon cœur, qu'auparauant celui d'hymenée n'ayt esté allumé, & ie ne t'ay octroyé aucune de mes nuits que ie n'aye veu paroistre le iour de mes nopces. Allez maintenant, parens de mon fugitif & dites que nostre mariage a esté clandestin, auquel la sain-

te nopciere Iunon, la ceinte Venus le Genial Hymenée, tant de Nymphes & de Paranymphes ont assisté; lequel a esté iuré si solemnellement, solennisé si saintement, sanctifié si ceremonieusement par les plus sacrez mysteres de la religion & de la consarreation. Il n'y a rien eu de secret que ce qui a esté caché des courtines du liét nuptial, & que l'honnesteté me commande de celer comme la nécessité que vous m'imposez me force de le dire. Encores crois-je que les amours, les graces, les ris & les ieux y ont esté presés & en sont les témoins irreprehensibles. A la verité vous n'avez esté appelez que par la voix publique à nostre Hymenée. Mais à quel propos de conuoquer ceux de qui l'œil ennemy eut troublé nos augures & qui par leur absence domageable témoignét assez combien leur presence nous eut esté nuisible. Vos deportemens & vos pratiques

me monstret bien que vous auez desiré qu'il arriuaſt ainſi que ma miſere vous dōnaſt pluſtoſt vne ſucceſſion que ma felicité des neueux. Si eſt-ce que mon alliance ne vous doit point faire rougir encore que l'eſcarlate patricienne rougiſſe deſſus vos eſpaules. J'ay auſſi de mon coſté dequoy me vanter, ſi ie veux enrichir mes armories de la pourpre qui éclate en la province Armorique. Mais la vertu n'a que faire de ces ornemens eſtranges, & paroift aſſez de ſon propre luſtre ſans en emprūter ailleurs. D'où vient donc que vous meſurez la baze avec la ſtatue, & que vous ne diſtinguez point la fortune de la vertu? D'où vient que voſtre iugement ſi roide & ſi entier pour autrui fleſchit maintenant ſous le poids de l'intereſt particulier? Souffrez que la vertu reçoie quelquefois vn autre prix pour ſa recompence que le témoignage de ſa bonne conſcience. Mais toy cruel,

avec quel front oze-tu me reprocher ma pauvreté & l'inegalité de mes richesses, toy dis-je qui protestois à ceux qui te vouloiēt dissuader le party, que tu estois amoureux non de la beauté d'un visage, mais de celle de l'ame, non des biens que nous tenōs par emprunt du fort, mais des richesses sur lesquelles la Deesse qui maintient son droit sur toutes choses n'a aucune puissance. Combien de fois t'ay-je oüy defendre constammēt la cause de la vertu contre cette inconstante & persuader avec de fortes raisons à tes amis, de choisir cōme toy pour femme non les riches, mais les sages? Je bondissois d'aise de t'oüy si bien dire; & neantmoins repensant à part moy, ie disois avec quelque petit mécontentement. Cēt homme à plus de raison que d'amour. Où sont maintenant ces discours philosophiques dont tu battois nos cōmuns ennemis; qui te les arraches des poings

pour t'y mettre vne marotte de laquelle tu t'escrimes si rudement contre moy ? Vrayment la Circé qui t'a chagé d'homme en beste à des charmes bié plus puissans que ceux qu'on dit que i'ay employez pour te surprendre. Il te falloit, il te falloit vne femme que ses richesses eussent renduë insolente & imperieuse, qui ne t'eut parlé que par caprice, salüé que par boutade, & regardé que de trauers, qui apres t'auoir rompu la teste des trophées & des triumphes de ses ancestres, fut sortie iournellement en pompe trainée dás vn chariot à quatre cheuaux comme pour triompher elle mesme de son mary. Ce sont celles-là qui font veritablement perdre le sens à vn homme, ayment mieux estre maistresse de leur maris insensé que leur obeyr estans sages. Les Dieux t'ont mieux adressé, mais ton mauuais cōseil t'empesche de iouyr de ton bon-heur & de goustier les

plaisirs d'une vie paisible & contée.
 Je veux que ie ne contribuë pas autāt
 de richesses que toy à nostre maria-
 ge; mais i'y apporte aussi plus d'affec-
 tion. Qu'elle possession te doit estre
 plus chere & plus pretieuse que celle
 d'un cœur qui se conseruet tien, mes-
 mes alors que tu en refuses la iouïss-
 sance? Reconnoy ta faute, Polidor,
 & prefere la douce prison de ta mai-
 stresse à la captiuité cruelle de tes en-
 nemis, & les aimables liës de l'amour
 coniugal aux chaisnes qu'on te pre-
 pare comme à vn furieux. Car ie me
 trôpe, ou l'artifice que tu employes
 cōtre moy seruira de piege pour t'at-
 traper toy-mesmes, si tu ne preuiens.
 La vengeance qui te pend sur la teste
 par vne prôte satisfaction. Croy moy
 qui te conseille encor vn coup en a-
 mie. N'attends point que les Areopa-
 ges qui ont les yeux clos à toute sorte
 de faueur, & qui balancent tout au
 poids de l'équité te redōnēt par force

à celle à qui tu t'estois si liberalemēt
dōné. Tādis qu'il te reste encor quel-
que lieu de merite en mon endroit.
Occupe-le iet'en prie, & ne souffre
point que ie sois totalement redeua-
ble à d'autres de ce dont ie t'estois si
ēstroitemēt obligée. Que si ie seme
en vain mes paroles en l'air, sās émou-
voir ce cœur qui ressentoit autrefois
tāt d'émotiō d'vn seul regard de mes
yeux. O Dieux, ie vous inuoque, Vā-
gez vostre iniure sur ceste teste infi-
delle. Si vous auez oüy ses execrables
parjures ou il vous appelloit pour té-
moins, oyez mes deuotes prieres ou
ie vous appelle pour vangeurs, & si
vo⁹ l'avez veu prophaner vos autels,
que tardez vous de les lauer du sang
de ce prophane. Grāds Dieux ne per-
mettez point que l'impieté triōphāte
iniustement de l'innocence me face
lōg.tēps douter si vous auez soin des
affaires de ce mōde, ou si tout se regit
par la conduite aucugle du hazard &
de la fortune.

F I N.

